

1065

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), člana 55. stav (1) Zakona o genetički modificiranim organizmima ("Službeni glasnik BiH", broj 23/09), člana 1. stav (1) tačka c) i člana 6. stav (2) Odluke o kriterijima za utvrđivanje novčane naknade za rad u upravnim odborima, nadzornim i drugim odborima i drugim radnim tijelima iz nadležnosti institucija Bosne i Hercegovine ("Službeni glasnik BiH", br. 19/09 i 10/12), na prijedlog Agencije za sigurnost hrane Bosne i Hercegovine, Vijeće ministara Bosne i Hercegovine, na 28. sjednici, održanoj 9. novembra 2023. godine, donijelo je

**ODLUKU
O IMENOVANJU ČLANOVA VIJEĆA ZA GENETSKI
MODIFICIRANE ORGANIZME**

Član 1.

(Predmet Odluke)

- (1) Ovom odlukom imenuju se sljedeći članovi Vijeća za genetski modificirane organizme (u daljnjem tekstu: Vijeće za GMO):
 - a) prof. dr. sci. Jasmin Grahić;
 - b) prof. dr. sci. Novo Pržulj;
 - c) prof. dr. sci. Danijela Petrović;
 - d) prof. dr. sci. Sejad Mačkić;
 - e) prof. dr. sci. Milan Mataruga;
 - f) prof. dr. sci. Marko Ivanković i
 - g) doc. dr. sci. Jasna Hasanbegović-Sejfić.
- (2) Za sekretara Vijeća za GMO određuje se Armin Čolaković, zaposlen u Agenciji za sigurnost hrane Bosne i Hercegovine (u daljem tekstu: Agencija), koji obavlja administrativno-tehničke poslove za potrebe rada Vijeća za GMO.

Član 2.

(Zadaci Vijeća za GMO)

- (1) Vijeće za GMO obavlja sljedeće poslove:
 - a) daje mišljenja o upotrebi GMO-a u upravnim postupcima i drugim postupcima po zahtjevu nadležnih organa,
 - b) daje mišljenje i prijedloge u pripremi propisa o upotrebi GMO-a,
 - c) daje mišljenja i prijedloge nadležnim organima državne uprave o pitanjima upotrebe GMO-a,
 - d) prati stanje i razvoj u oblasti korištenja genetičke tehnologije i upotrebe GMO-a,
 - e) prati naučno-stručna dostignuća i daje mišljenja u vezi s korištenjem genetičke tehnologije i upotrebom GMO-a,
 - f) daje mišljenja u vezi sa socijalnim, etičkim, tehničkim i tehnološkim, naučnim i drugim uslovima upotrebe GMO-a,
 - g) savjetuje nadležne organe o pitanjima vezanim za upotrebu GMO-a i korištenje genetičke tehnologije,
 - h) izvještava javnost putem medija i stručnih skupova o stanju i razvoju u oblasti korištenja genetičke tehnologije i upotrebe GMO-a, te o svojim stavovima i mišljenjima,
 - i) obavlja i druge stručne poslove propisane Zakonom o genetski modificiranim organizmima ("Službeni glasnik BiH", broj 23/09) i propisima donesenim na osnovu njega.
- (2) Nakon imenovanja članovi Vijeća za GMO potpisuju izjavu da će u obavljanju dužnosti biti nepristrasni i nezavisni, te da njihov status nije spojen s bilo kojom direktnom ili indirektnom, stalnom ili povremenom dužnošću ili funkcijom koja njihovu nezavisnost može izložiti riziku ili stvoriti potencijalni sukob interesa, u skladu sa uslovima

propisanim Zakonom o sukobu interesa u institucijama vlasti Bosne i Hercegovine ("Službeni glasnik BiH", br. 16/02, 12/04, 63/08, 18/12, 87/13 i 41/16).

Član 3.

(Mandat)

Mandat članova Vijeća za GMO je četiri godine.

Član 4.

(Način rada)

- (1) Način rada, izbor predsjednika i dva zamjenika predsjednika kao i ostala pitanja bitna za rad Vijeća za GMO uređuju se poslovníkom.
- (2) Poslovník se donosi većinom glasova svih članova Vijeća za GMO na konstituirajućoj sjednici.
- (3) Predsjedavajućeg i zamjenike predsjedavajućeg biraju članovi Vijeća za GMO između svojih članova na konstituirajućoj sjednici, a u skladu s poslovníkom.
- (4) Vijeće za GMO odlučuje većinom glasova, koja uključuje najmanje po jednog predstavnika svakog entiteta i svakog konstitutivnog naroda.
- (5) Sjednicama Vijeća za GMO obavezno prisustvuje sekretar Vijeća za GMO.
- (6) Sjednice Vijeća za GMO održavaju se najmanje jednom mjesečno u službenim prostorijama Agencije u Mostaru.
- (7) Članovi Vijeća za GMO aktivnosti za pripremu sjednica i razmatranje materijala, koji su na dnevnom redu, obavljaju elektronskim putem, a odluke, mišljenja i slično o pojedinim pitanjima donose na sjednici.
- (8) Konstituirajuća sjednica Vijeća za GMO održava se najkasnije 30 dana od dana stupanja na snagu ove odluke.

Član 5.

(Visina naknade)

- (1) Novčana naknada za rad članova i sekretara Vijeća za GMO utvrđuje se u sljedećim iznosima:
 - a) za članove Vijeća za GMO iznosi 350,00 KM,
 - b) za sekretara Vijeća za GMO iznosi 150,00 KM.
- (2) Naknada za rad isplaćuje se jednom mjesečno pod uslovom da je održana najmanje jedna sjednica Vijeća za GMO u tom mjesecu, te da su član i sekretar Vijeća za GMO prisustvovali sjednici Vijeća za GMO, uz primjenu ograničenja propisanih članom 39. st. (3), (4) i (5) Zakona o plaćama i naknadama u institucijama Bosne i Hercegovine ("Službeni glasnik BiH", br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20, 65/20 i 59/22).
- (3) Član Vijeća za GMO ima pravo na naknadu troškova prijevoza za dane kada prisustvuje sjednicama Vijeća za GMO izvan mjesta prebivališta, obračunatu na osnovu vrijednosti pojedinačne karte na relaciji: mjesto prebivališta člana Vijeća za GMO - mjesto održavanja sjednice, utvrđenu linijskim prijevozom.
- (4) Član Vijeća za GMO nema pravo na naknadu iz stava (3) ovog člana u slučaju kada za dolazak na sjednicu Vijeća za GMO koristi službeno vozilo institucije u kojoj ima reguliran radnopravni status.
- (5) Članovi i sekretar Vijeća za GMO ostvaruju pravo na naknadu za rad i naknadu troškova u vezi s radom u skladu s odredbama ove odluke u mandatu na koji su imenovani.

Član 6.

(Uslovi za rad)

- (1) Agencija osigurava imenovanim članovima Vijeća za GMO potrebne uslove za rad i pruža potrebnu administrativno-tehničku pomoć.
- (2) Sredstva za rad Vijeća za GMO i obavljanje stručnih administrativnih poslova osiguravaju se iz sredstava Agencije kao budžetskog korisnika.

Član 7.
(Izvještavanje)

Vijeće za GMO izrađuje godišnji izvještaj o radu i podnosi ga Agenciji koja o tome informira Vijeće ministara Bosne i Hercegovine i objavljuje izvještaj na način dostupan javnosti.

Član 8.
(Prestanak važenja)

Početak primjene ove odluke prestaje važiti Odluka o imenovanju članova Vijeća za genetski modificirane organizme ("Službeni glasnik BiH", br. 82/19 i 60/22).

Član 9.
(Stupanje na snagu)

Ova odluka stupa na snagu danom donošenja, a primjenjuje se počevši od 12.11.2023. godine, i objavljuje se u "Službenom glasniku BiH".

VM broj 277/23
9. novembra 2023. godine
Sarajevo

Predsjedavajuća
Vijeća ministara BiH
Borjana Krišto, s. r.
